



Universitätsbibliothek Paderborn

Thesavrvs Sacrорvm Ritvvm, Sev Commentaria In Rvbricas Missalis Et Breviarii Romani

In quibus origo cuiusque Ritus, Causæ historicæ, vel mysticæ, ex maiorum ingenio, Theoria, Praxis, Obligatio, & exquisitus Vsus, additis opportunè Decretis omnibus S. Rituum Congregationis, quàm breuissimiè explicantur

Gavanti, Bartolommeo

Antverpiæ, 1646

De Officio Defunctorum. II.

urn:nbn:de:hbz:466:1-40233

in antemeridianum & pomeridianum. Vtrumque vero, auspice B. Virgine, inchoari debet, præmissis eiudem Horis paruis, Maturino & Vesperis maioribus, de Officio diei: & eo casu omittitur v. in fine, *Fidelium animæ*. Reliquæ Horæ postponuntur, vt minores Horis Canonici. Prima de beata Virgine dicitur, antequam legatur Martyrologium; quod non est pars Horæ primæ, sed quid superadditum, ut suprà docuimus: vnde & à multis legitur extra Chorum in loco Capituli.

14 Extra Chorum dicitur pro opportunitate temporis. Et primò ante quamcumque Horam dici debet Salutatio Angelica, vt in Breuiario 1550, prescribitur, & Durand. docet lib. 5. cap. 2. tum in fine ultimæ Horæ, si plures simul recitentur, vt Durandus *ibidem*.

15 Diuidi quoque potest in priuata recitatione, ex causa, Matutinum à Laudibus, dicta in fine Salutatione Angelica, & eadem repetita ante Laudes; vt in simili casu diximus de Horis Canonici cum Nauarro *suprà Sect. 4. cap. 2. num. 3. & 4. pag. 52.*

16 Proposita est Indulgentia centum dierum recitantibus dictum Officium iuxta Rubricas Breuiarij à Pio V. in Bulla eiusdem Breuiarij.

De Officio Defunctorum.

C A P. I I.

Officium Defunctorum dictum est Agenda à Walafrid. cap. 25. & à Durand. lib. 7. cap. 35. quia agere significat celebrare. item Exequæ, ab August. lib. de Cura pro mortuis: non quia extra alia sequuntur, vt quidam definiture; sed quia, ex Duran. *ibid.* extra viuos mor-

tui sepeliuntur, & extra Horas Canonicas hoc Officium proprios habet ritus. Donatus definit Exequias, quia mortuus præbat, ceteri sequebantur in funere. Cum autem hodie in funere præcedat Clerus cadauer mortui, dicere possumus, nos mortuum sequi, quia obiit ille prius. Exequias explicat ab executione dictas Mutius Capucinus de Offic. mort. cap. 6. quia, inquit, executioni mandanda est Defunctorum voluntas.

2 De hoc Officio habetur Canon Extra de Celebration Missar. cap. Cum cantantur: ab Apostolis ortum habet, ex Dion. de Ecclesiast. Hierarch. cap. 7. ab Origene auctum fuisse dicitur, teste Augustino in lib. Enchiridi. & Isidoro de Officis Ecclesiasticis. S. Augustino tamquam auctori tribuit Iacobus de Valentia in Exposit. Hymni Te Deum. Auctor ligni vitæ lib. 5. auctofem huius Officij facit Amalarium cap. 79. de Ordine Antiphon. indicat, se collegistæ ex Romano & Metensi Antiphonariis ea quæ recta sibi visa sunt de ordine sepulturæ. Responsoria componuit Mauritius Episcopus Parisiensis, qui obiit anno 1196. teste sancto Antonino citato à Demochare Tom. 2. de Sacrificio Missæ cap. 18. Orationes, Deus qui inter Apostolicos, & Fidelium, habentur in Sacramentario Gregoriano. Pius V. addidit Orationes tres, nimirum pro die Depositionis Defuncti, Anniversario, patre & matre Sacerdotis, vel recitantium eamdem Orationem, non cuiuscumque; in quo non pauci errant: & tamen Oratio ipsa indicat, de patre & matre recitantis tantum ibi fieri commemorationem, non aliorum. Oratio Absolue est in Sacramentario Gregoriano. Clemens VIII addidit alias

alias duas pro Defuncto & Defuncta, quæ erant necessariae pro vario Defunctorum ritu: quarum prima, *Inclina*, legitur in Sacramentario citato; reliquæ sunt posteriores Sacramentario. in reliquis nulla est mutatio. Idem est Officium apud Radulph. *loco cit.* & in Breu. M.S. & in edito 1550. Conclusiones Orationum in Breuiario diversæ sunt à cœclusionibus in Officio Defunctorum Ritualis Romani, in quo semper dicitur, *Per Christum Dominum nostrum*, sed in Breuiario datur ritus Officij in ordine ad Officium de die diuinum; in quo ea est conclusio, *Per Dominum nostrum Iesum Christum*, &c. in Rituali vero traditur Officij ritus in ordine ad exequias, in quibus unica est conclusio, *Per Christum Dominum nostrum*. & hac ratione non pugnant inuicem Breuiarium & Rituale Romanum.

3 Inchoationes & explotiones huius Officij non sunt ut in Horis Canonicas, ad tristitiam significandam, ex Walafr. *cap. 25. de Eccles. Obseru.* & simili modo, ait Alcuinus *cap. panult.* eccebramus haec Officia, quo celebrantur in iis diebus quibus Christus descendit ad inferna. Matutinum dicuntur Vigilia ab Alcuino *de Exeq. mort.* in quo Inuitatorium dicitur ut in propria Rubrica, nempe in die Commemorationis omnium fidelium Defunctorum, & in die depositionis seu obitus Defuncti, etiamsi unum tantum dicitur Nocturnum, ut habetur in Rituali Romano. Itemque in die depositionis tertio, septimo, trigesimo, & Anniversario; & regulariter, quando tres Nocturni dicuntur, etiam ex Durando *lib. 5. cap. 3.* quia ad solemnius Officium inuitandi sunt plures. Per annum autem omittitur, quia in hoc

Officio exequias Christi in Parasceue fieri solitas imitamus Durand. *ibidem.* Nocturni vero tres dicuntur in crastino Omnitum Sanctorum, ut in praedicto Breu. M. S. & apud Radul. & in depositione Defuncti, nisi aliud impedit, ex Rituall Romano Pauli V. duplicatis Antiphonis. In quibus Nocturnis, ex Alcuino, significantur illa Officia nocturnalia, quæ in morte Domini celebrantur. In ferialibus autem tres Lectiones cum tribus Psalmis, seu uno Nocturno, & Laudibus, ad representandum, ex eodem Alcuino, triduanam Christi sepulturam. Et ideo neque ad Lectiones datur benedictio, neque in fine dicitur *Tu autem*, sicut nec in triduo mortis Christi, Durand. *lib. 5. cap. 2.* Antiphona nona, *Sitinit anima mea ad Deum viuum*, ita legenda est, licet in Psalmo dicatur, *ad Deum fortem (non fontem) viuum*: & habes exempla in Breuiario Antiphonarum, quæ paululum discordant a Versu Psalmorum, quorum sunt Antiphonæ; ut in 2. Antiphona 1. Nocturni Dominicæ. In fine Vesperarum & Laudum dicuntur preces semper genibus flexis, etiam quando omittuntur Psalmi. Episcopis autem in Cærim. *Epif. lib. 2. cap. 10.* pro corum dignitate præscribitur, ut stantes dicant Preces: quod non debet esse commune reliquo Clero. Dicitur *Pater noster*, *Et ne nos*, alta voce, quod in M.S. Breuiari. traditur. in Breuiari. 1550. male negatur. Quem ritum in Vesperis restituit Pius; & in Laudibus explicavit magis Clemens VIII. Versus autem frequentissimus, *Requiem eternam*, &c. habetur in Sacramentario Gregoriano: qui diuiditur in fine Psalmorum, & in Precibus; licet in Responsoriis sit unus Versus, contra P. Ruiz, ut sit

A a 3 loco

loco *Gloria Patri*, &c. in fine Psalmorum. Auctores facit Apostolos huius Versus Michaël Timoth. in quest. 300.

q. 17. Psalmi verò in fine Vesperarum & Laudum non dicuntur in Commemoratione omnium Defunctorum, neque in depositione Defuncti, si tres Nocturni dicantur, ex Rituali Romano Pauli V. neque in Officio Duplici, pari ratione. Contraria enim est ratio illorum, ac noni & longioris, *Liberame*: quod non modò dicitur in prædicta Commemoratione, sed etiam quandocumque dicuntur nouem Lectio-nes: quare omittuntur illi Psalmi, quando dicitur hoc Responsoriū. Versus qui dicuntur post Psalmum, si pro vno fit Officium, dicuntur in numero singulati, sicut & Oratio sequens: reliqua in toto Officio non mutantur, neque Versus post Orationem; quod in Rituali Rom. habetur.

4. Orationes tres dicuntur sub vna conclusione diuerso modo ac in Missa; in qua prima Oratio concluditur, & due aliae per modum commemorationis adduntur. Sed in Officio commemorationes non sunt, cùm Antiphonas & Versus non habeant; & ideo vi-nius Orationis rationem habent, ad quam totum Officium ordinatur. Oratione *Fidelium* si sola dicitur, habet conclusionem valde propriam; si cum prioribus duabus, habet breviorem, & communem tribus, quæ diriguntur ad Deum conditorem & redemptorem, diuersam à conclusione quæ habetur in Missa, Maioribus ita volentibus, qui diuersimodam conclusionem assignauere in Missali, Breuiario, & Rituali. Versus *Requiescant in pace* dicitur in fine, omnibus surgentibus, tam in Vesperis quam in Laudibus, eo modo quo diximus de *Benedi-*

camus Domino Sect. 5. cap. 17. nñ-
mero 8. pagina 96. nisi consuetudo sit
alia.

5. Quæritur: An, quando Vespere Defunctorum & Matutinum dicuntur separatim ab Horis Canonis, siue in Choro, siue extra Chorum, præmittenda sit secretò Oratio Dominica? Hoc obseruat Cappella Papalis in Festo Omnis Sanctorum, in quo, omissis secundis Vesperris de Festo, ne Vespere Defunctorum inchoentur ex abrupto, recitatur prius Oratio Dominica: quæ item repetitur ante Matutinum. quod notat Christophorus Marcellus in *Cerim. Pap. lib. 2. Sect. 2. cap. 24. & 25.* & exemplo Cappellæ idem præscribitur in *Cerim. Episcop. lib. 2. cap. 10.* etiam si Vespere Defunctorum iungantur Vesperris de Festo. Certè Rituale Romanum non præscribit Oracionem Dominicam, licet agat de Officio separatim dicendo ab Horis Canonis: quare placet non dici regulariter. Illud quoque est notandum, quod si aliquando dividatur Matutinum hoc à Laudibus, eo casu in fine Matutini dicuntur Preces sine Psalmo cum Oratione, seu Orationibus, ut congruo fine terminetur.

6. Adhuc quæritur: An Vespere descendæ sint ante Matutinū, quod præsente corpore manè cantatur ante Missam, cùm ea sint primæ Vespere, & tamen manè non est Vesperrum tempus. Respondeatur, omittendas esse eas Vesperas, quæ pridie Matutini Officij recitari nequeunt. Nostri igitur Clerici, qui tenentur pro Defuncto ex nostris recitare ter Officium Defunctorum, tribus scilicet diebus; si nocte moriatur ille, non tenentur in Choro ad primas Vesperas; alias autem reci-tare

tare debent coniunctas Vespertas diei, si feriales sint, alioquin post Completorium, non habita ratione Officij, sed Suffragij. Qua ratione, primo die poterunt manè cantare semel Matutinū, & iterū à prandio post Vespertas 2. Matutinum, & deinceps sequenti die tertium, ut celerius ille iauetur. Sed congruentius quolibet die manè cantatur Matutinum tribus dictis diebus vel ea ratio saltem ineatur, qua Vesperæ nullo modo secundæ (quas non habent Defuncti) videantur esse.

7 Non habent Defuncti secundas Vespertas, ad significandum, quod hoc Officium finem habebit, quando animæ ab omni pena liberatæ Deo frumentur. Beleth cap. 160. sed, mea sententia, demuntur ad minorem Officij solemnitatem, ut sit in Festa Simplici.

8 Omittitur hoc Officium tempore Paschali, quia, inquit Durand. lib. 6. cap. 72. ad Christum solum eo tempore dirigenda est mens: neque interea patiuntur animæ dispendium, quia & beneficia nostra sunt illis communia; & nec expressius memoria pro illis fieri posset, quam agendo memoriam de morte Christi (nota pro sequenti casu) & eiusdem resurrectione, per quam à penitentia liberari expectant. extra Chorum tamen utile est ipsa Officia dicere. Hæc Durand.

9 Item omissitur in Hebdomada maiori; quod à Pio V. fuit statutum: nam apud Durand. loco citato, in Breuiar. M.S. & 1550. triduum tantum ultimum dictæ Hebdomadæ excipiebatur. causam attulimus num. præced. Aliam adfert Radulph. Propos. 20. ob dierum incongruentiam, sicuti tempore Paschali ob temporis iucunditatē, & hanc intelligo causam. Incongruentiam verò ille non explicat: fortasse,

quia pro Christo solo, non pro aliis, in Hebdomada maiori debemus esse in tristitia summa.

10 Item in Festis nouem Lectionum; quod habet etiam Radulph. loco citato, ob dierum ait festiuitatem: in M.S. & 1550. idem prescribitur. Nisi adimplenda sit Defunctorum voluntas, pro qua permititur separatim dici

Officio diei à sacra Rituum Congreg. die 12. Junij 1628.

11 Dicì vero debet prima die cuiuscumque mensis non impedita Festo nouem Lectionum, & ut ait Alcuinus, in Calendis. Cettè, ut quantocum Defunctoris suffragemur, & semel saltem in mensa omnibus Defunctoris communibus Ecclesiæ Suffragiis. Quod si sola dies ultima mensis sit libera, ea die dicatur; liget in sequenti die rufus pro mense sequenti dicendum foret, quod adnotauimus in Ordine nostro perpetuo Tab. 13. 14. mense Maio.

12 Sed quid, si in Aduentu & Quadragesima dici non queat in mense Decembri, & Martio, in Feriis secundis, de quo ritu dicemus statim; utrum ratione mensis erit semel saltem recitandum prima die non impedita Festo nouem Lectionum? Contingit casus in Aduentu, quando Dominica 1. Aduentus occurrit die 29. Novembris, ut videre est in Tabulis nostri ordinis perpetui Tabula prima, octaua, & aliis. Et in Quadragesima unicus etiam est casus, quando Feria 4. Cinerum occurrat in die 28. Februarij ut in Tabul. 25. eo enim anno Feriae 2. omnes sunt impeditæ Festis nouem Lectionum. Andreas Castaldus in suo Cœrim. lib. 3. cap. 7. nn. 8. negat debere dici ea ratione; quia in Quadragesima hoc Officium est annexū onus dici, nempe Feriae 2. & idem valet in Aduentu:

sed

sed ratio non conuincit, quia onus annexum Feriæ secunda non tollit onus, quod potest esse ratione primæ diei mensis. Vnde accidit in Feria secunda per annum dici Missam pro Defunctis, vt in Rubricis Missalis tit. 5. n. 2. & Feria tertia, quæ sit prima mensis sequentis, dici Missam quoque pro iisdem ratione Rubrica n. 1. Ea igitur verba, *Ante Quadragesimam prima die non impedita dicitur Officium Defunctorum;* & *Ante Aduentum prima die non impedita dicitur Officium Defunctorum,* ita sunt intelligenda, vt intra Quadragesimam & Aduentum nulla habeatur ratio mensis. Et confirmatur ex Rubrica generali Missalis tit. 5. n. 1. cuius verba sunt: *Prima die cuiusque mensis (extra Aduentum & Quadragesimam) dicitur Missa pro Defunctis.* quæ certè respondet Officio Defunctorum. Et ratio est, quia nulla habita ratione mensis, sunt Suffragia sæpiùs, hoc est, semel in Hebdomada tam Aduentus quam Quadragesimæ. Si verò aliquo anno (quod raro continet) Feriis secundis omnibus impeditis, non dicatur Officium Defunctorum, parum refert.

13 Dicitur præterea huc Officium in Feriis secundis tam Aduentus quam Quadragesimæ, hoc est, initio Hebdomadæ, vt citius Defunctis suffragemur. Qui ritus præcisè in Feria 2. ortum habuit à Monachis Gamungensibus, ex Petro Damiani anno 1056. quod adnotauit etiam Baron. *todem anno:* vel dici potest, quia cælum creatum fuit die Luna, ideo petit Ecclesia, vt in cælum transferantur animæ de Purgatorio. In Quadragesima verò quotidie recitabatur, ex Radulpho loco citato. Pius autem V. Feria 2. contentus, nihil vltra iussit.

14 Quæres: Occurrente Vigilia Natiuitatis Domini in Feria 2. Hebdomadæ 4. Aduentus, vtrum ea die recitandum sit hoc Officium. In Breu. M.S. & 1550. aperte negatur: quia non debent dici Vesperæ, nisi dicatur etiam Nocturnum cum Laudibus. Nocturnum autem cum locum habeat post Laudes diei, non congruit deinde, vt post Laudum Vigilia Officium, quod ex Duplex, dicatur Officium Defunctorum; & eò magis, quia est Officium Duplex priuilegiatum, quod excludit omne aliud Duplex. Adde, omitu eodem die Officium beatæ Virginis paruum; cum tamen agatur eadem die de proximo partu Virginis: quantò magis Officium Defunctorum, quod minuit iucunditatem illius Vigiliae. Denique si concedatur Officium Defunctorum, etiam in Missa fiet commemoratio eorumdem; quæ tamen nullam admittit commemorationem, nisi Dominicæ, si in ea occurrit Vigilia: imò & possit celebrari Missa de Requiem in ea Vigilia, à qua excluditur Duplex Festum, & Missa consequenter Defunctorum, quæ prohibetur dici in Festo Duplici. At Castaldus in *Cerim. lib. 3. cap. 1. n. 9.* concedit, posse dici Officium Defunctorum in Vigilia Natiuitatis ratione Feriæ 2. tum quia non est impedita Festo nouem Lectio num; tum quia in ea Vigilia excluditur tantum à Rubricis Officium paruum B. Virginis: & addit prudentissime, potius esse recitandum pridie Vespere, vbi est consuetudo; quæ certè non tollitur à Rubricis Breuiarij in Officio Defunctorum. Cui tamen respondeo, in Breu. M.S. & 1550. expresse prohiberi Officium Defunctorum à Completorio pridie Vigilia Natiuitatis cantato. Et ad primam rationem dico, æqui-

æquiparati, & præcedere Officium dictæ Vigiliae, si comparetur cum Festo quolibet nouem Lectionum: ad alteram, ibi non excludi Officium B. Virginis cum particula restrictiua tantum; sed omitti de Officio Defunctorum id præscribere, quod præscriptum iam fuerat de Officio paruo B. Virginis. imò non fuit necesse aliud decernere, sumpto argumento à fortiori, vt diximus, si excluditur Officium B. Virginis, ergo multò magis Defunctorum.

15 Accedamus ad horam recitandi huius Officij. Et Vesperæ quidem recitari debent post Vespertas etiam Festi Duplicis, si Feria sequatur, vt in Breuiar. M.S. & 1550. Et sacra Rituum Congregatio 23. Maij 1603. pro prima die mensis, si haec sit libera à Festo nouem Lectionum, decreuit, Vespertas Defunctorum recitandas esse vltima die præcedentis mensis, licet ea sit festiva de precepto; vt populus frequens post auditas Vespertas Dominicæ, vel Festi, audiat statim & Vespertas Defunctorum pro Suffragiis generalibus: sicut in Dominicis Aduentus & Quadragesimæ fieri solet in Vespertil pro Officio Defunctorum, sequenti Feria secunda persoluendo. Qui ritus mihi placeret quam maximè, in iis etiam Regularium Ecclesis, in quibus, vi Regulæ, qualibet Feria 2. vel alia non impedita, solet singula Hebdomada recitari Officium pro Defunctis fratribus, consanguineis, & benefactoribus. Defunctis autem vtilius esset; quia contingere potest, vt, dempta Feria 2. reliquæ Feriae sint impeditæ Festis nouem Lectionum, & sic in ea Hebdomada non dicatur Officium.

16 Matutinum verò Defunctorum

post Laudes diei recitatur in Breuiario M.S. & 1550. Cui Rubricæ inhærendo sacra Rituum Congregatio prohibuit, in Festo Sanctorum omnium cantari Matutinum Defunctorum vesperi, & iussit recitari in ipsam die Commemorationis omnium Fidelium Defunctorum post Laudes diei, 1. Septemb. 1607. Episcopis autem tantum conceditur, vt in die Festo Omnim Sanctorum possint in suis Ecclesiis recitare cum Clero suo Matutinum Defunctorum, vt dicitur in Cærim. Episc. lib. 2. cap. 10. ea certè de causa, vt sequenti maaë liberiores sint ad Missam solemniter cantandam pro Defunctis: quæ causa satis aperte significatur initio prædicti capit. 17 Consuetudo tamen illa Regularium recitandi Matutinum Defunctorum vesperi post Completorium pro die sequenti, non videtur improbanda, si de Officio ex vi Regulæ agatur; neque etiam ex vi Rubricatum in quibus dicitur: *Nisi alia sit consuetudo Ecclesiarum.*

18 Restat vltimò dicendum de obligatione ad hoc Officium recitandum: haec autem nulla est, excepta Commemoratione omnium Defunctorum, de qua diximus Sect. 7. c. 13. pagina 171. nulla, inquam, est, soluente nos Pio V. in Bulla Breuiarij ab antiqua obligatione, & ab omni peccato; exhortante tantum, & Indulgentia centum dierum pro unaquaque vice ad præscriptum Rubricatum proposita, alliciente. Ex quo Nauarrus recitatur, qui ante Pium V. de Orat. cap. 10. nn. 4. docuerat, Officium Defunctorum certo die præscriptum in Breuiario esse partem Horarum Canoniarum.

19 Quod si aliunde oriatur obligatio
B b

tio recitandi Officium Defunctorum, puta, ex voluntate testatorum; in iis quidem diebus, quibus conceditur Missa de Requiem (qua de re in *primo Tomo diximus pag. 11. & 12.*) absque dubio recitari poterit.

20 In aliis verò diebus, in quibus prohibetur Missa de Requiem, adhuc tamen recitari poterit (exciperem Festa primæ & secundæ classis, & tri-dauum maioris Hebdomadæ postremum) etiam in Choro: quia disper est ratio inter Missam & Officium Defunctorum. illa namq; suppleri potest eum Missa de die, eo modo quo docuimus in *primo Tomo pag. 223. à num. 19. & seqq.* non autem Officium cum Officio de die: vel præter cantatam Missam de die in Collegiatis, potest cantari altera de Requiem, vt Romæ fit quotidie in Ecclesia S. Petri. Festum autem, etiam de præcepto, ex minus solemnibus, non impedit recitationem huius Officij, vt patet ex dictis supra *num. 10. 15. & 17.* maximè si adsit Ecclesiastum consuetudo.

21 Pius itaque V. tam in Bulla quam in Rubricis loquitur de Officio Defunctorum ex communi intentione Ecclesiæ pro Suffragiis generalibus recitando in Choro, remittens antiquanu obligationem illud sacerdotes recitandi, & quotidie, vt olim, in Quadragesima; tum præscribit eos dies, quibus illud idem congruentius recitari vel omitti debet: non autem excludit obligationes proprias ex testamentis Defunctorum rationabiles.

22 Si tamen accidat in his obligationibus aliqua necessitas ex causa rationabili reducendi, aut commutandi, aut eas moderandi, ad tempus, seu in perpetuum, declaravit sacra Tridentini Concilij Congregatio *Seff. 25. cap. 4.*

posse Episcopos in Syria, & Regulare Superiores in Capitulis Generalibus circa hæc Officia decernere quidquid magis expedire iudicarent, ea commutando in Missas, &c. si ante Concilium ea fuerint imposita: quod postremò à nobis additum eadem sacra Congregatio significare visa est in *Decretis de celebratione Missarum sub Urbano VIII. 21. Iunij 1625. §. Ac primo. vbi dum prohibet reductionem Missarum post Concilium, non ante illud, indicat aperte, eam fuisse mentem sacri Concilij, de qua dubitabant Doctores Fusiū Moneta noster de Commut. ultim. vol. quæst. 11. conclus. 4. num. 367. & seq.* de his Officiorum commutationibus agit. hoc loco hæc satis.

De Psalmis Gradualibus.

C A P. III.

Faciamus gradum, ordine Breuiarij, ad Psalmos Graduales, qui dicuntur Canticum graduum & ascensionis, ex vi vocis Hebreæ *Amahalo h.* Et Græci quidem, Theodoretus & Euthymius, docent, Cantica hæc intelligenda esse ad littoram de ascensione Iudeorum à Babylonie in Ierusalem, Spiritu sancto per os David præcentem calamitatem eorum, & libertatem. Alij, è quibus Durand. lib. 5. cap. 2. malunt esse compositos hosce Psalmos, vt canerentur in ascensione quindecim graduum Templi Salomonis: tot enim fuisse affimat S. Augustinus *Tract. in Psalm. ultimum;* cui Lyranus subscribit; & significant ascensiones Electorum in Deum per quindecim gradus. Septenarius enim veteris Testamenti est, octonarius noui Testamenti est numerus, ex

Am-